

Na osnovu člana 37.a stav 5. i člana 51. Zakona o lovstvu („Službene novine Federacije Bosne i Hercegovine”, broj: 4/06, 8/10 i 81/14), Ministarstvo za poljoprivredu, šumarstvo i vodoprivredu Zeničko-dobojskog kantona, objavljuje

JAVNI POZIV

za dodjelu namjenskih sredstava u oblasti lovstva iz Budžeta Zeničko-dobojskog kantona– Ministarstva za poljoprivredu, šumarstvo i vodoprivredu za 2020. godinu

I PREDEMET JAVNOG POZIVA

Predmet Javnog poziva je prikupljanje prijava-projektnih prijedloga za dodjelu sredstava Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo) s pozicije 614 300 NAC 903-Tekući transfer udruženjima od zakupa korištenja sportsko-privrednih lovišta za 2020. godinu („Službene novine Zeničko-dobojskog kantona“, broj: 24/19 i 7/20).

II KRATAK OPIS PROJEKATA, CILJEVI PROJEKATA

Javni poziv se raspisuje u cilju finansiranja/sufinansiranja projekata za unapređenje lovstva na području Zeničko-dobojskog kantona. Shodno odredbi člana 51. Zakona o lovstvu („Službene novine Federacije Bosne i Hercegovine“, broj: 4/06, 8/10 i 81/14), (u daljem tekstu: Zakon o lovstvu) unapređivanjem lovstva smatra se: zaštita, održavanje i poboljšanje životnih uslova divljači u lovištu (poboljšanje ispasišta, dodatna ishrana, izgradnja i održavanje solila, pojilišta), dostizanje i održavanje odgovarajuće polne i starosne strukture pojedinih vrsta divljači u okviru utvrđenih kapaciteta lovišta, unošenje novih vrsta divljači u lovište, čuvanje i zaštita divljači i lovišta (opremljena i obučena lovočuvarska služba), izgradnja lovno-uzgojnih i lovno-tehničkih objekata, poduzimanje mjera za smanjenje šteta koju pričinii divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavaka rasnih lovočuvarskih pasa i izdavačka djelatnost.

III UKUPAN IZNOS RASPOLOŽIVIH SREDSTAVA

Sredstva za finansiranje/sufinansiranje projekata su osigurana u Budžetu Zeničko-dobojskog kantona za 2020. godinu, na poziciji 613 400 NAC 903-Tekući transfer udruženjima od zakupa korištenja sportsko-privrednih lovišta, u iznosu od 13.000,00 KM (slovima: trinaest hiljada konverbitilnih maraka).

IV PRAVO UČEŠĆA

Pravo učešća na Javni poziv imaju korisnici lovišta koji sa Ministarstvom za poljoprivredu, šumarstvo i vodoprivredu Zeničko-dobojskog kantona imaju zaključen ugovor o zakupu sportsko-privrednog lovišta na područja Zeničko-dobojskog kantona.

V USLOVI ZA UČEŠĆE

Da bi podnosioci prijava mogli učestvovati u ovom Javnom pozivu, moraju ispuniti slijedeće uslove:

- Registracija udruženja kod nadležnog tijela,
- Projekti razvojnog karaktera iz oblasti lovstva shodno članu 51. Zakona o lovstvu,
- Ekonomska i društvena opravdanost projekta,
- Finansijski izvještaj o utrošku sredstva za projekte odobrene u prethodnoj godini,
- Organizovanost i broj članova udruženja,
- Ispunjavanje obaveza za plaćanje dospjelih poreza i doprinosa,
- Da se protiv podnosioca prijave odnosno lica ovlaštenog za zastupanje i voditelja projekta ne vodi krivični postupak i nije pravosnažno osuđen za prekršaj i/ili počinjenje krivičnog djela,
- Da korisnik lovišta ima sa Ministarstvom za poljoprivredu, šumarstvo i vodoprivredu Zeničko-dobojskog kantona zaključen ugovor o zakupu sportsko-privrednog lovišta,
- Da je za prethodnu lovnu godinu uplatio zakupninu za korištenje lovišta u ugovorenom iznosu.

VI POTREBNA DOKUMENTACIJA

Podnosioci prijave iz tačke IV ovog javnog poziva trebaju priložiti sljedeću dokumentaciju:

1. Popunjen, potpisan i ovjeren prijavni obrazac (koji se može preuzeti na web stranici Zeničko-dobojskog kantona, www.zdk.ba u dijelu Javni pozivi) i mora sadržavati popunjene sve tražene podatke,
2. Projekat/Program,
3. Rješenje o upisu u Registar udruženja koji se vodi pri Ministarstva za pravosuđe i upravu Zeničko-dobojskog kantona,
4. Uvjerenje o poreskoj registraciji-ID broj,
5. Uvjerenje o izmirenim dospjelim poreskim obavezama i doprinosima,
6. Uvjerenje da se protiv podnosioca prijave odnosno lica ovlaštenog za zastupanje i voditelja projekta ne vodi krivični postupak i da nije pravosnažno osuđen za prekršaj i/ili počinjenje krivičnog djela,
7. Izjavu potpisanu i ovjerenu od ovlaštene osobe za zastupanje da je podnosilac zahtjeva ispunio obavezu o realizaciji sredstva za odobrene projekte lovstva iz prethodne godine (IZ-1),
8. Izjavu potpisanu i ovjerenu od ovlaštene osobe za zastupanje da je podnosilac zahtjeva za prethodnu lovnu godinu uplatio zakupninu od korištenja lovišta u ugovorenom iznosu (IZ-2),
9. Izjavu potpisanu i ovjerenu od ovlaštene osobe za zastupanje da će sredstva dodijeljena po ovom Javnom pozivu namjenski utrošiti shodno kandidovanom projektu (IZ-3),
10. Izjavu ovjerenu i potpisanu od ovlaštenog lica za zastupanje o visini vlastitog učešća u implementaciji kandidovanog projekta, sa naznačenim iznosom vlastitog učešća (IZ-4). Ako postoji partner na projektu, uz izjavu dostaviti dokaz o visini sredstava kojima će isti sufinansirati projekat (sporazum o saradnji ili ugovor). Ukoliko je projekat sufinanciran iz više izvora, u prijavnom obrascu upisati finansijsku konstrukciju, u suprotnom projekat neće biti uzet u razmatranje.

Svi dokumenti koji se prilažu uz prijavu moraju biti original ili ovjerene kopije.

Ministarstvo nema obavezu vraćanje dokumentacije pristigle na Javni poziv.

VII KRITERIJI ZA OCJENU PRIJAVA I ODABIR KORISNIKA

Sredstva iz tačke III Javnog poziva rasporedit će se prema sljedećim kriterijima:

1. Visina uplate zakupa za korištenje lovišta koju je korisnik lovišta uplatio za lovnu 2019/2020. godinu.

Vrednovanje na osnovu ovog kriterija vrši se na sljedeći način:
Podnosilac prijave koji je za korištenje lovišta za lovnu 2019/2020. godinu, uplatio najveći iznos zakupnine za korištenje lovišta dobiva maksimalnih 7 (sedam) bodova, a svaki naredni dobiva po 1 (jedan) bod manje i tako redom. Korisniku lovišta koji je u lovnoj 2019/2020. godini uplatio najniži iznos zakupnine dodjeljuje se 1 (jedan) bod.

2. Značaj aktivnosti sa aspekta unapređenja lovstva.

Vrednovanje po osnovu ovog kriterija vrši se na sljedeći način:

- finansiranje/sufinansiranje nabavke opreme za lovočuvarsku službu (terenska vozila, kroseri, uniforme i drugu opremu)	8 (osam) bodova
- finansiranje/sufinansiranje izgradnje i održavanja lovno-uzgojnih objekata	6 (šest) bodova
- finansiranje/sufinansiranje izgradnje i održavanja lovno-tehničkih objekata	4 (četiri) boda
- finansiranje/sufinansiranje izdavačke djelatnosti, stručno osposobljavanje kadrova, naučno istraživački rad	2 (dva) boda

Postupak pregleda prijava za dodjelu sredstava iz Javnog poziva izvršit će Komisija za utvrđivanje i provođenje ovog javnog poziva koju će imenovati ministar Ministarstva za poljoprivredu, šumarstvo i vodoprivredu Zeničko-dobojskog kantona. Svaki član Komsije potpisat će izjavu o nepristrasnosti i povjerljivosti. Komisija će utvrditi formalnu ispravnost istih u smislu njihove blagovremenosti, potpunosti, urednosti i na osnovu kriterija iz ovog Javnog poziva provesti ocjenu bodovanja.

VIII NAČIN PODNOŠENJA PRIJAVA

Prijave se dostavljaju u zatvorenoj koverti na protokol Zeničko-dobojskog kantona, lično ili putem pošte. Podnosioci zahtjeva na ovaj Javni poziv mogu kandidovati jedan projekat. Na koverti čitko napisati:

**MINISTARSTVO ZA POLJOPRIVREDU, ŠUMARSTVO I VODOPRIVREDU
ZENIČKO-DOBOJSKOG KANTONA
Kučukovići broj 2, 72000 Zenica**

Javni poziv za dodjelu namjenskih sredstava u oblasti lovstva iz Budžeta Zeničko-dobojskog kantona– Ministarstva za poljoprivredu, šumarstvo i vodoprivredu za 2020. godinu

„NE OTVARAJ-Komsija za utvrđivanje i provođenje Javnog poziva“

IX ROK ZA PODNOŠENJE PRIJAVA

Rok trajanja ovog Javnog poziva je 15 (petnaest) dana od dana objavljivanja na web stranici Zeničko-dobojskog kantona, www.zdk.ba. Prijave dostavljene nakon isteka roka iz Javnog poziva vraćaju se podnosiocima neotvorene.

X RAZMATRANJE PRIJAVA

Neće se uzeti u dalje razmatranje prijave dostavljene po Javnom pozivu:

- a) koje su neblagovremene (prijave dostavljene nakon isteka roka za dostavljanje prijave na ovaj Javni poziv),
- b) koje ne sadrže kompletnu dokumentaciju koja se traži ovim Javnim pozivom,
- c) koje svoj projekat sa dokumentacijom ne dostave u zatvorenoj koverti sa naznakom kako je navedeno u Javnom pozivu,
- d) koje ne sadrže u potpunosti popunjen prijavni obrazac i izjave (obrazac: IZ-1, IZ-2, IZ-3 i IZ-4), potpisani i ovjereni od ovlaštene osobe za zastupanje
- e) ako se kandiduju projekti koji nisu predmet ovog Javnog poziva i/ili koje sadrže dva ili više projekata.

XI OBAVJEŠTENJE O DISKVALIFIKACIJI I PRIGOVOR

Podnosioci čije prijave ne budu ispunjavale formalno pravne uslove bi će o tome obaviješteni u pisanoj formi. Protiv dostavljene obavijesti podnosioci mogu podnijeti prigovor Ministarstvu za poljoprivredu, šumarstvo i vodoprivredu Zeničko-dobojskog kantona u roku od 3 (tri) dana od prijema obavijesti. O prigovoru odlučuje ministar Ministarstva, a odluka o prigovoru je konačna. Nakon dostavljenog izvještaja komisije, ministar Ministarstva utvrđuje konačnu rang listu uspješnih projekata za finansiranje/sufinanciranje u skladu sa raspoloživim sredstvima. Ministarstvo će nakon utvrđene konačne rang liste prema Vladi Zeničko-dobojskog kantona uputiti prijedlog odluke o odobravanju sredstava.

XII SPREČAVANJE SUKOBIA INTERESA

Svaki član komisije bit će isključen iz postupka dodjele sredstava ukoliko se utvrdi da je u sukobu interesa u odnosu na podnosioca prijave.

Podnosioci prijave imaju mogućnost da Ministarstvu za poljoprivredu, šumarstvo i vodoprivredu Zeničko-dobojskog kantona prijave sumnju na postojanje sukoba interesa, a Ministarstvo će odlučiti po svakoj prijavi.

MINISTAR

Mirnes Bašić